

卷十九

人物名臣

臨海縣志稿

第十三冊

臨海縣志稿卷之十九

人物

名臣敘目

晉

任旭

唐

孫琰

宋

陳公輔

子夷行 孫達善 楊善

朱絳

陳良翰

子元壽 彭壽 廣壽 耆壽

陳騃

王衛

子似之 應之

鹿何

祖淵

子昌運

謝深甫

子采伯

渠伯

斐伯

彙伯

采伯子

奕修

奕懋

奕禮

斐伯子奕異

奕謙

奕明

奕進

渠伯子

奕昌

奕正

深甫曾孫堂

奕臺

奕良

奕晉

彙伯子

奕中

周泊

王卿月

商飛卿

弟逸卿

應武

子塾

屋

錢象祖

孫可則 應孫

陳耆卿

陳維

王嶼

元

陳孚

子邁 孫子章

他哈布哈

明

陶凱

陳璣

弟琛

陳員韜

子選

陳世良

王崇

秦文

弟禮
武
鳴夏
鳴雷
禮子

蔡潮

子雲程

戴德孺

父守心

趙淵

祖岳
父璧

葉忠

金賁亨

子立愛
立相

何寬

子大縉

王宗沐

子士崧
立準
士琦
士昌
士性
子立轂

侄士性
士琦
子立程

鄧棟

王亮

王萬祚

清

名臣敘目

蔣懋勛

臨海縣志稿卷之十九

人物

名臣

晉

任旭字次龍父訪吳南海太守旭幼孤弱童時勤學及長立操清
修不染流俗鄉曲推愛郡守蔣秀請爲功曹秀居官貪穢每不奉
法旭正色苦諫不納謝去閉門講習養志而已久之秀坐事被收
旭狼狽營送秀慨然歎曰任功曹眞人也吾違其讜言以至於此
復何言哉尋察孝廉除郎中州郡仍舉爲郡中正固辭永康初惠
帝博求清節儁異之士太守仇馥薦旭清貞絜素學識通博詔下

州郡以禮發遣旭以朝廷多故志尙隱遯辭疾不行尋天下大亂
陳敏作逆江東名豪並見羈繫惟旭與賀循守死不迴敏卒不能
屈元帝初鎮江東聞其名手書召爲參軍欲使必到旭固辭以疾
後帝進位鎮東大將軍復召之及爲左丞相辟爲祭酒遭母憂不
就司空王導啓立學校選天下明經之士旭與會稽虞喜俱以隱
學被召會有王敦之難尋而帝崩事遂寢明帝卽位又徵拜給事
中旭稱疾篤經年不到尙書以稽留除名僕射荀崧議以爲不可
化致政莫尙乎崇道教明退素也喪亂以來儒雅淩夷每覽子衿
之詩未嘗不慨然臨海任旭會稽虞喜並潔靜其操歲寒不移研

晉書
本傳

太寧三年三月癸巳復徵旭與虞喜爲博士

明帝
紀

詔曰夫興

精墳典居今行古志操足以勵俗博學足以明道前雖不至其更

以博士徵之

虞喜傳

始下而帝崩咸和二年卒太守馮懷上疏謂宜

贈九列值蘇峻作亂事竟不行子琚位至太宗正終於家

晉書

唐

孫琰驍勇有智時人謂之孫百計積功至牙將守蘇州天復二年

淮南將周本呂師造圍蘇州攻法凡百出不可窮最後推洞屋攻

城若帡幪然琰隨機應敵置輪於竿首垂絙投錐以揭之攻者盡

露及礮至則張網以拒礮遇網輒止竟無所施淮南兵遂夜遁

江浙

通志引十

國春秋

宋

陳公輔字國佐政和三年上舍釋褐第一調平江府教授朱勔方
嬖倖當官者奴事之公輔絕不與交勔有兄喪諸生欲往弔公輔
不予告勔不悅諷權要移公輔越州累遷權應天府少尹除秘書
郎

宋史

李邦彥罷政事數日復爲太宰人情震駭公輔具奏論列并
攻中書侍郎王孝迪尙書右丞蔡懋皆罷

三朝北
盟會編

靖康初二府多

宣和舊人公輔言蔡京王黼用事二十餘年臺諫皆緣以進唐重
師驥爲太宰李邦彥引用謝克家孫覲爲纂修蔡攸引用及邦彥
作相又附麗以進此四人者處臺諫之任臣知其決不能言宰相
大臣之過願擇人臣中樸茂純直能安貧守節不附權倖慷慨論
事者列之臺諫則所任得人禮義廉恥稍稍振起敵國聞之豈不

畏服哉時吳敏李綱不協公輔奏陛下初臨萬幾正賴其同心合謀而二臣不和已有其跡願諭以聖訓俾務一心以安國家徽宗渡江未還人情疑懼公輔力陳父子之義宜遣大臣迎奉欽宗嘉之擢爲右司諫孟夏享景靈宮遂幸陽德佑神觀公輔諫不當如平時事游宴論蔡京父子懷奸誤國終未行遣今朝廷公卿百執事半出其門必有庇之者詔謫京崇信軍節度副使德安府安置又奏朱勔罪惡都城之民皆謂已族滅其家乞勿許其子孫隨上皇入京

宋史

再召對耿南仲指公輔爲李綱黨乞送御史臺根治欽

宗不問五月二十五日公輔上言乞戒大臣究心邊事六月三日以李綱充河北東路宣撫司副使以代种師道公輔與御史中丞

陳過庭皆言李綱儒者不知軍旅將兵必敗綱忠鯁異衆爲大臣所陷他日成功亦死敗事亦死不宜遣太原安撫使張孝純數以蠟書告急上以綱爲河東宣撫使公輔與諫官余應求言綱不當去朝廷上怒皆罷之

三朝北盟會編

又言方復祖宗法度馮澥不宜更論

熙甯元豐之政

宋史

以讒謫台州監稅

一作合州

高宗卽位召還除尙書

左司員外郎初李綱得政公輔自外除郎未至而綱罷改南劍州尋予宮觀紹興六年召爲吏部員外郎疏言今日之禍實由公卿大夫無氣節忠義不能維持天下國家平時旣無忠言直道緩急詎肯仗節死義豈非王安石學術壞之耶議者尙謂安石政事雖不善學術尙可取臣謂安石學術之不善尤甚於政事政事害人

才學術害人心三經字說詆誣聖人破碎大道非一端也春秋正名分定褒貶俾亂臣賊子懼安石使學者不治春秋史漢載成敗安危存亡理亂爲聖君賢相忠臣義士之龜鑒安石使學者不讀史漢王莽之纂揚雄不能死又仕之更爲劇秦美新之文安石乃曰雄之仕合於孔子無可無不可之義五季之亂馮道事四姓八君安石乃曰道在五代時最善避難以存身使公卿大夫皆師安石之言宜其無氣節忠義也

宋史

是年冬張魏公獨相始用公輔言

禁臨川學

建炎以來
朝野雜記

復授左司諫

赤城志
作右

言中興之治在得天得

人以孝感天以誠得民帝善其深得諫臣體賜三品服令尙書省寫圖進入以便觀覽公輔感帝知遇益罄忠鯁言正心在務學治

國在用人朝廷之禍在朋黨時有詔將駐蹕建康公輔上疏陳攻
守之策且乞選大臣鎮淮西增兵將守要害使西連鄂岳東接楚
泗皆有犄角之形徽宗計至公輔請宮中行三年之喪視朝服淡
黃羣臣未可純吉服明堂未可以徽宗配宜罷臨軒策士又乞權
罷講筵事不行中書舍人傅崧卿援嚴父之說不幸太上諱問奄
至而大享不及理實未安公輔言今梓宮未還廟社未定疆土未
復臣竊意祖宗上皇神靈所望於陛下者必欲興衰撥亂恢復中
原迎還梓宮歸藏陵寢以隆我宋無疆之業若如議者之言以陛
下貴爲天子上皇北狩十有一年未獲天下之養今不幸而崩且
欲因明堂之禮追配上帝謂是足以盡人子之孝則於陛下之志

恐亦小矣宜依故事合祭天地祖宗並侑太上升配似未可行遷

尚書禮部侍郎

宋史

十年九月高宗將撫巡江上之師而京西岳飛

先已蕩平汝穎連破商虢又取伊陽長水捷音五至中外稱快公

輔奏三可慮謂諸軍各須日日戒嚴如對強敵不應僥倖其不至

金陀粹編

會趙鼎言進退人才乃其職分疏稍侵公輔因力請祠除集

英殿修撰提舉江州太平觀尋知處州升徽猷閣待制

宋史

仍提舉

太平觀自號定菴居士

赤城志

卒年六十六贈大中大夫有文集二

十卷奏議十二卷行於世

宋史

又著有風俗記祀鄉賢

洪志

台之以高

科位法從且稱謬者自公輔始

赤城志

公輔論事剴切疾惡如讐

惟不右程頤之學士論惜之

宋史

子夷行字清臣紹興五年進士公

輔謦諤不阿時俗宰相啖以柄用冀其少徇夷行聞之獻書於其父曰日暮途窮倒行逆施事之萬不可者也功名付之天數行已操之在我稍有瞻顧則平生名節掃地盡矣父感其言遂以饒直終人以此賢夷行官終監南嶽廟孫達善初監潭州南嶽廟調處州青田尉明州昌國鹽官皆振職乾道間從事道州湖南荐饑劇盜李金者起掠郡縣州素無城郭官吏失色往往稱疾去達善毅然入白太守出奇計擒之以功知會稽縣邑之德政鄉地庫潦輒病稼達善訪得故道鑿大渠水有所歸田以不病部使者以治行薦遂入監左帑以憂去起知金州修學校辟射圃祠忠節告兵民凡郡政大者舉行略盡江漢自唐末築隄捍水歲久隄壞水潦暴

至輒漂城達善請於朝爲堰禦水溉由數千畝金人名其堰曰廣濟以識德秩滿部使者復以其名薦如會稽時除本路判官革除宿弊再除本路提點刑獄所決獄人服其平尋除直秘閣湖北轉運副使會鼎豐歲饑民流取富鄭公青州之法次第施行民以安集天子有意用之召赴行在至嘉禾偶得疾卒於郡廨年五十八

積階至朝奉大夫

黃裳撰墓誌銘

弟揚善歷吏部郎中終知光州

赤城志

朱絳官工部員外郎紹興三年早上言獄囚多冤抑上千天和帝從其請詔諸路監司分按州縣親錄囚徒以察冤滯未幾而雨

紹興

聖政錄

陳良翰字邦彥父守忠官和州通判其妻洪不育爲置一妾進御

夕襲衰於內叩之故潤州通判女父喪服未除守忠處以別室飭

奩遣之

府志

良翰蚤孤事母孝爲文恢博有度中紹興五年進士第

授左迪功郎調紹興府會稽縣主簿秩滿循從事郎知明州慈溪

縣事

宋史

以經術飾吏事天資高明操尚介特恢崇風化作成人材

吏畏民愛

寶慶四明續志

歲凶民飢諭富室發廩以糴籍貧民授券以糴

上安下濟邑人賴之導德門三鄉之渠溉田甚廣改宣教郎知溫

州瑞安縣事俗強梗難治或謂宜厲威嚴良翰曰縣令字民之官

愛之如子猶懼不饒况奮其武怒以懾威之彼亦何所恃耶催租

不下文符但揭逋戶名民如期皆集聽訟多得情或問其術良翰

曰吾何術第公吾心使如虛堂懸鏡耳罹內憂去官免喪授衢州